



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Germanica

Châteillon, Sébastien

[S.l.], 1558

Capvt XXXIII.

[urn:nbn:de:hbz:466:1-54866](https://nbn-resolving.org/urn:nbn:de:hbz:466:1-54866)

nam ipsorum est regnum Dei. hæc omnia Christus & verbis docuit, & vita præstitit.

CAPVT XXXIIII.

*Solum
peccatū
Deo cō-
trariū
est.*

SEd hîc quiddam animaduerten- dum est: Dicitur esse fieriue aliquid contra Deum, & esse aliquid quod ei dolorem tristitiâque faciat. Sciendum est, nullam creaturam esse contra Deum, aut ei dolorem tristitiâque facere, eo ipso quod ipsa est, aut viuit, scit aut potest. Quæcunque sunt eiusmodi, eorum nihil est contra Deum. Quod diabolus siue homo, est, viuit, & similia, id omne bonum, & Dei est. Nam Deus est omnino hæc omnia, essentia & origine. Est inquam Deus omnium quæ sunt essentia, & omnium viuentium vita, & omniū sapientium sapientia. nam omnia habēt suum esse, suum posse, suam vitā & similia, in Deo veriùs, quàm in seipsis: alioquin non esset Deus omne bonum, ideoque sunt omnia omnino bona. Iam quod bonum est, id Deo charū est, idque habere ipse vult, ideoque non est ipsi contrarium.

Quid

Quid est igitur Deo contrarium
& molestum? nihil nisi peccatum. *Quid sit
peccatū.*
Quid verò est peccatum? nihil aliud
nisi quòd creatura vult aliter, & cō-
trà quàm Deus. Hoc potest quisq;
in seipso percipere in hūc modum:
Qui aliter vult quàm ego, aut con-
trà quàm ego, is est meus inimicus:
& qui vult vt ego, is mihi amicus
& charus est. Eadem est in Deo ra-
tio. Habes quid sit peccatū, & Deo
contrarium, quodq; ei dolorem pa-
riat, & tristitiam. Igitur qui vult ali-
ter quàm ego, aut cōtrà quàm ego,
is quicquid facit aut omittit, loqui-
tur aut silet, id mihi contrarium &
graue est. Eadem est in Deo ratio.
Qui aliter aut cōtrà vult quàm De-
us, is quicquid facit aut omittit,
quicquid instituit, id Deo contrari-
um, & peccatum est. Et quæ volun-
tas aliud vult quàm Deus, ea etiam
contra Dei voluntatem est. Dicit e-
nim Christus: *Matth.*
Qui mecum non est, *12. c*
is contra me est. quorum verborum *Lu. 11. e*
sententia hæc est: Qui non idē vult,
eademque mecum voluntate est, is
contra me vult.

Ex his potest homo perspicere,

D 6 vtrum

utrum sit expers peccati, an non sit, & utrum peccatum committat, an secus: & quid sit peccatū, & qua ratione, aut qua re corrigi, emendarique debeat aut possit peccatum. Atque hæc Deo contraria voluntas appellatur, & est inobedientia, Adamus, egoitas, ipfitas, propria voluntas, peccatum, siue vetus homo, Deum auersari, seque ab eo separare, hæc omnia sunt idem.

CAPVT XXXV.

Deus in seipso impatibilis, in homine patibilis est. **I**Am hoc animaduertendum est, in Deum, ut Deus est, non cadere dolorem, perturbationem, aut displicentiam: & tamen Deus turbatur propter hominis peccatum. & quia id in Deo accidere non potest sine creatura, oportet ut accidat ubi Deus homo est: hoc est, in homine deificato. Hic verò peccatum, Deo tantum dolorem adfert & tristitiam, ut Deus ipse libenter velit discrucari, & corporaliter mori, quò hac ratione vel vnus hominis peccatum extirpare possit. Quòd si interrogetur, utrum malit viuere manente peccato, an non & peccatum sua morte extirpare: respōdebit, se malle mori.

Est